

**Suomen säädöskokoelmaan n:o 234/2016**  
(Laki Metsähallituksesta)

**Lisätään saamenkieliset käännökset:**

## Láhka

### Meahciráddehusas

Riikkabeivviid mearrádusa mielde mearriduvvo:

1 lohku

### Oppalaš njuolggadusat

1 §

#### *Lága ulbmil*

Dán lágas mearriduvvo Meahciráddehusas. Meahciráddehus lea Eana- ja meahccedoalloministeriija vuollásaš ja dan hálddahussuorggis doaibmi stáhta fitnodatlágádus. Birasministeriija stivrendoaimmaid birra mearriduvvo 9 §:s.

Meahciráddehusa meahccegoziheami birra mearriduvvo sierra lága vuodul.

2 lohku

### Meahciráddehusa doaimmat

2 §

#### *Meahciráddehusa oppalašdoaibma*

Meahciráddehus geavaha, dikšu ja suodjala iežas hálddašeami vuollásaš stáhta eana- ja čáhceopmodaga bistevas vuogi mielde. Meahciráddehus galgá doaibmat boadusulbmiliin.

Meahciráddehus bargá doaibmasuorggistis fitnodatdoaimmain dán lágas mearriduvvon ja stáhta bušehtas dárkkálmuhhton servodatlaš geatnegahttimiid olis ja dikšu dasa mearriduvvon almmolaš hálddahusdoaimmaid.

Meahciráddehus doaibmá fitnodatekonomalaš prinsihpaid sihke Riikkabeivviid dasa dohkkehan bálvalusulbmiliid ja eará doaibmaulbmiliid mielde.

3 §

#### *Fitnodatdoaimma doaibmasuorgi*

Meahciráddehusa fitnodatdoaimma doaibmasuorgin lea dan hálddašánválddi vuollásaš stáhta eana- ja čáhceopmodaga ekonomalaš ávkinatnin sihke eana- ja čáhceopmodaga hálddašánváldái guoskevaš fitnodatdoaimmain bargi nieida- ja osolašfitnodatserviid ossosiid stivren.

Dáinna ulbmiliin Meahciráddehus:

- 1) bargá vuovdedoaluin ja doaimmaha muorramateriála áššehasaide;
- 2) bargá eanaávnasfitnodatdoaimmain;

- 3) bargá eana- ja čáhceguovlluide guoskevaš láigohan- ja vuovdindoaimmain; ja  
 4) bargá eana- ja čáhceguovlluide guoskevaš fidno- ja ovddidandoaimmain.  
 Meahciráddehus oažžu dasa lassin bargat siepman- ja vesábuvttademiin sihke dan doaib-  
 masuorgái gullevaš eará eana- ja čáhceopmodaga ekonomalaš ávkinatnemiin.  
 Vuovdedoaluin Meahciráddehus bargá stáhta vuovdedoalooasussearvvis addojuvvon lágas  
 (235/2016) oaivvilduvvon oasussearvvis.  
 Meahciráddehus vástida iežas nieida- ja osolašovttastumiid oamasteaddjivremis nu go  
 stáhta fitnodatsearveoamasteamis ja oamasteaddjibagadallamis addojuvvon lága (1368/2007)  
 6 §:s mearriduvvo.

## 4 §

*Meahciráddehuskonseardna*

Meahciráddehusas sáhtta leat dan fitnodatdoaimma dahje dasa čujuhuvvon almmolaš  
 hálddahuodoaimmaid dikšumii guoskevaš ovttá dahje moanain suopmelaš dahje olgoriikalaš  
 fitnodagain ruhtadoallolága (1336/1997) 1 logu 5 ja 6 §:s oaivvilduvvon mearridanváldi. Fit-  
 nodagat, main Meahciráddehusas lea mearridanváldi, leat Meahciráddehusa nieidafitnodagat.  
 Meahciráddehusas ja dan nieidafitnodagain čohkiida Meahciráddehuskonseardna.

Jos nieidafitnodaga ossosiid árvu lea mearkkašahtti dahje Meahciráddehusa ja nieidafitno-  
 daga fitnodatgaskavuoda galgá muđui atnit mearkkašahttin, de nieidafitnodagaid vuoddu-  
 deapmái, nieidafitnodaga ossosiid háhkamiin ja luohpadeapmái dárbbášuvvo stáhtaráđi lohpi.  
 Stáhtaráđi lohpi dárbbášuvvo maiddái dalle, jos lea jearaldat sullasaš mearkkašahtti oso-  
 lašvuoda dahje lahttovuoda háhkamis dahje luohpadeamis eará fitnodagas go nieidafitnodagas.  
 Giddodatopmodaga luohpadeamis čuvvojuvvo goittotge láhka (973/2002; láhka vuoigat-  
 vuodas luohpadit stáhta giddodatopmodaga).

Meahciráddehus ja dan vuovdedoallofitnodatdoaimmain bargi nieidafitnodat leat nubbi nup-  
 pi ektui almmolaš háhkamiin addojuvvon lágas (348/2007) 12 §:s oaivvilduvvon gaskavuodas.  
 Meahciráddehus ja dan nieidafitnodat sáhttiba oastit njuolggá nubbi nuppis bálvalusaid.

Meahciráddehus ii oaččo addit iežas nieidafitnodahkii konseardnaruhhtadoarjaga.

Dárkilet njuolggadusat Meahciráddehusa nieidafitnodagaid fitnodatdoaimma gullamis  
 Meahciráddehusa fitnodatdoibmii, nieidafitnodagaid ossosiid árvvu mearkkašahttivuodas sih-  
 ke Meahciráddehusa ja nieidafitnodagaid fitnodatsearvvi mearkkašahttivuodas addojuvvojit  
 dárbbu mielde stáhtaráđi ásahusa vuodul.

## 5 §

*Almmolaš hálddahuodoaimmat*

Meahciráddehus dikšu ja geavaha iežas hálddašánválddi vuollásaš almmolaš hálddahuodo-  
 aimmaid dikšuma várás oaivvilduvvon eana- ja čáhceopmodaga. Almmolaš hálddahuodo-  
 aimmaid dikšumii oaivvilduvvon stáhta eana- ja čáhceopmodagas ii leat ekonomalaš gánne-  
 hangáibáduš.

Meahciráddehus dikšu dasa mearriduvvon almmolaš hálddahuodoaimmaid, maidda gullet:

1) luonddusuodjalanlágas (1096/1996) sihke dan ja jagi 1923 luonddusuodjalanlága  
 (71/1923) vuodul ásahuvvon luonddusuodjalanguovlluide guoskevaš njuolggadusaide  
 vuodduvvi doaimmat, luondotiippaid ja šlájaid suodjaleapmái guoskevaš eará doaimmat  
 sihke luonddusuodjalanguovlluid háhkan;

2) luonddusuodjalanguovlofierpmádaga dikšun ja geavaheapmi sihke Meahciráddehusa  
 almmolaš hálddahuodoaimmaid dikšumii oaivvilduvvon eará eana- ja čáhceguovlluid sihke  
 eará opmodaga dikšun;

3) luonddu lustageavaheapmái guoskevaš luonddu- ja vánddardanbálvalusaid buvttadeapmi sihke kulturopromodaga gáhtten;

4) meahcceguovlólágas (62/1991), guolástanlágas (379/2015), nuortalašlágas (253/1995), meahccejohtaluslágas (1710/1995), meahcástanlágas (615/1993), čáziidikšuma ja meara-dikšuma lágideamis addojuvvon lágas (1299/2004), gádjunlágas (379/2011), boazodoallolágas (848/1990), boazodoalu ja luondduealáhúsaid struktuvradoarjagiin addojuvvon lágas (986/2011) ja olgolihkadanlágas (606/1973) mearriduvvon doaimmat;

5) fuoddo- ja guolledollui guoskevaš fitnuid ollašuttin sihke meahcástan- ja guolástanlobiid miediheapmi;

6) Meahciráđdehusa meahccegoziheamis addojuvvon lágas (1157/2005) oavvilduvvon meahccegoziheapmi;

7) vuovdemuoraid siepmaniid háhkamii ja sihkkarvuodavurkemii guoskevaš doaimmat.

### 3 lohku

#### **Doibmii guoskevaš geatnegahttimat**

##### 6 §

##### *Oppalaš servodatlaš geatnegahttimat*

Luondduriggodagaid bastevaš dikšuma ja geavaheami mávssolaš oassin Meahciráđdehus galgá doarvái bures váldit vuhtii biologalaš mánggahápmásašvuoda suodjaleami ja vuogálaš lasiheami vuovddiid, meara ja eará luondduriggodagaid dikšumii, geavaheapmái ja suodjaleapmái ásaheamis eará ulbmiliiguin. Meahciráđdehus galgá dasa lassit váldit vuhtii luonddu lustageavaheami sihke barggolašvuoda ovddideami gáibádusaid.

Meahciráđdehusa hálddašanválddi vuollásaš luondduriggodagaid dikšun, geavaheapmi ja suodjaleapmi galget heivehuvvot oktii sámediggelágas (974/1995) oavvilduvvon sámiiid ruovttuguovllus nu, ahte sáme kultuvrrain bargama vejolašvuodat dorvvastuvvojit, sihke boazodoallolágas oavvilduvvon boazodoalloguovllus nu, ahte boazodoallolágas mearriduvvon geatnegahttimat ollašuttjit.

Meahciráđdehus ráhkkanat dikšut doaimmaidis maiddái spiehkastatdilálašvuodain nu, ahte čuovvu Eana- ja meahccedoalloministeriija ja bealuštangiddodagaid hárrái Bealuštanministeriija mearrádusaid. Meahciráđdehus čuovvu dasa lassit bealuštangiddodagaid ja daid sadjebálvalusaid hárrái Bealuštanministeriija dorvvolašvuodamearrádusaid.

Meahciráđdehus addá gádjuneiseválddiide áššedovdiveahki vuovdebuollimiid dustemis ja ráhkkanat ieš vuovdebuollimiid eastadeapmái ja dustemii iežas hálddašan stáhtaeatnamiin searválagaid gádjuneiseválddiiguin.

Oppalaš servodatlaš geatnegahttimiid dikšun váldojuvvo vuhtii Meahciráđdehusa boadusulbmiliid ásaheattiin.

##### 7 §

##### *Eará servodatlaš geatnegahttimat*

Meahciráđdehusa doaimmas váldojuvvojit vuhtii dutkama, oahpahusa, bealuštanfámuid ja rádjegozihanlágádusa dárbbut.

4 lohku

**Meahciráddehusa stivren**

8 §

*Riikkabeivviid ja stáhtaráđi stivrendoaibmaváldi*

Stáhta bušeahta gieđahallama oktavuodas Riikkabeaivvit:

- 1) dohkkeha Meahciráddehusa guovddáš bálvalanulbmiliid ja eará doaibmaulbmiliid;
- 2) dohkkeha Meahciráddehusa vuoddoaiveopmodaga bajádusa ja vuoládusa sihke mearrida mearreruda váldimis bušehtii miedihanláhkai Meahciráddehusa vuoddoaiveopmodaga bajideapmái;
- 3) suovvá Meahciráddehusa váldit iežas fitnodatdoaimma ruhtadan dihte loana;
- 4) dohkkeha Meahciráddehusa fitnodatdoaimma hárrái ruhtadoallobaji investeremiid aliummeari sihke fápmudusa dahkat dakkár investerensoahpamušaid, main šaddet golut daidda mañit ruhtadoallobajiide.

Stáhtaráđi addá dárbbu mielde oppalašmearrádusaid Meahciráddehusa doaimmas ja ekonomijas.

9 §

*Ministeriija stivrendoaibmaváldi*

Eana- ja meahccedoalloministeriija boadustivre Meahciráddehusa. Birasministeriija boadusstivre Meahciráddehusa almmolaš hálddahušdoaimmaid hárrái doaibmasuorggistis.

Go Riikkabeaivvit lea mearridan stáhtabušeahtas, de guoskevaš ministeriija mearrida Meahciráddehusa bálvalanulbmiliin ja eará doaibmaulbmiliin, Meahciráddehusa boadusulbilis ja boahunmerkenulbmilis sihke dárbbu mielde vuoddoaiveopmodahkii nuppástussii guoskevaš Riikkabeivviid mearrádusa ollašuttimis. Boadusulbmil galgá biddjojuvvot nu, ahte Meahciráddehus sáhtá juksat 8 §:a 1 momaantta 1 čuoggás oaivvilduvvon, fitnodatekonomalaččat gánnehahtti bálvalanulbmiliid ja eará doaibmaulbmiliid.

Ovdalis 1 momaanttas oaivvilduvvon ministeriija mearrida 28 §:s oaivvilduvvon mearreruda geavaheamis ja dan máksimis.

5 lohku

**Meahciráddehusa organisašuvdna ja hálddahuš**

10 §

*Meahciráddehusa organisašuvdna*

Meahciráddehusas leat stivra ja beaivválaš jodiheaddji sihke sierra almmolaš hálddahušdoaimmaid dikšu ovttat.

Meahciráddehusas leat eará ovttagat ja doaimmat dan mielde, go bargoortnegis mearriduvvo.

## 11 §

*Stivra*

Meahciráddehusas lea stivra, mas leat eanemustá gávcci lahtu.

Stáhtaráddi nammada stivrra lahtuid guhkimustá golmma jahkái hávil ja mearrida lahtuin ovtta ságadoallin ja ovtta várreságadoallin. Stivrra lahttu galgá leat gilvalandilálašvuoda gábidan vuogi mielde sorjjasmeahtun. Uhcimustá okta stivrra lahtuin galgá ovddastit Meahciráddehuskonseartna bargoveaga. Bargoveaga ovddasteaddji lahttu galgá leat Meahciráddehusa dahje dan nieidafitnodatsearvvi bálvalusas. Meahciráddehusa beaivválaš jodiheaddji ii sáhte doaibmat stivrra lahtun.

Stivrra lahttui heivehuvvo, mii oasusearvelága (624/2006) 6 logu 4 §:s mearriduvvo oasusearvvi stivrra lahtu easttalašvuoda ja 10 §:a 1 momaentas dohkálašvuodas.

Stáhtaráddi luoitá stivrra dahje dan lahtu doaimmastis.

## 12 §

*Stivrra doaimmat*

Stivra stivre ja goziha Meahciráddehusa doaimma. Stivra fuolaha Meahciráddehusa strategiijalaš jodiheamis, stivremis ja doaimma vuogálaš lágideamis. Dasa lassin stivra fuolaha das, ahte Meahciráddehusa ruhtadoalu ja ruđaiddikšuma goziheapmi lea áššáigullelaš vuogi mielde lágiduvvon ja erenoamážit das, ahte Meahciráddehus doaimmá Riikkabeivviid ja eará eiseválddiid mearrádusaid ja njuolggadusaid mielde.

Stivra galgá:

1) dahkat árvalusa Meahciráddehussii guoskevaš bušeahttaevttohussan sihke dasa guoskevaš árvalusa, mas bohtet ovdan Meahciráddehusa čuovvovaš jagi bálvalanulbmilat ja eará doaibmaulbmilat sihke boadusulbmilat ja boahtunmerkenulbmilat;

2) mearridit Meahciráddehusa doaimma ovddideamis Riikkabeivviid ja ministeriija ásahan doibmii guoskevaš ja ekonomalaš ulbmiliid olis sihke čuovvut ja raporteret ulbmiliid juksamis;

3) addit cealkámuša beaivválaš jodiheaddji, luonddubálvalushoavdda ja meahccegeavahanhoavdda nammadeamis;

4) mearridit Meahciráddehusa loatnaváldimis;

5) mearridit Meahciráddehusa mearkkašahtti investeremiin ja eará guhkásváikkuheaddji go-luin;

6) mearridit Meahciráddehusa stivren ossosiid hárrái oasusoamasteaddjái gullelaš vuoigatvuodaid geavaheamis Meahciráddehuskonserdnii gullelaš nieidafitnodaga hálldahusas;

7) dahkat Meahciráddehusa ja Meahciráddehuskonseartna ruhtadoalloloahpaheami ja doaimmačilgehusa ja daid ektui dahkat árvalusa Meahciráddehusa vuoittuide dahje dáhpagiidda guoskevaš doaimmabidjun sihke doaimmahit ruhtadoalloloahpaheami ja árvalusa stáhtarádi nannenláhkai;

8) mearridit dain oassebeliin, main lea vuoigatvuolta čállit Meahciráddehusa namas;

9) dohkkehit luondduriggodagaid geavaheapmái guoskevaš guvllolaš plánaid;

10) mearridit giddodatopmodaga háhkamii, sihke dakko bokte go stáhta giddodatopmodaga luohpadanlágas mearriduvvo, giddodatopmodaga luohpadeapmái ja láigoheapmái guoskevaš mearridanválddi lágideamis Meahciráddehusas;

11) mearridit fitnodatlágádusa njunnošiid bálkkašanvuogádagas;

12) giedahallat ja čoavdit eará go 1—11 čuoggás oaivvilduvvon áššiid, main lea guhkásváikkuheaddji dahje dehálaš mearkkašupmi.

Stivra dahje stivrra lahttu ii oaččo čuovvut stivrra dahkan mearrádusa, mii rihkku dán lága njuolggadusaid ja lea danin gustomeahtun.

Stivrra doaimmain almmolaš hálddahasdoaimmaid stivremis ja goziheamis mearriduvvo 19 §:s.

## 13 §

*Bargoveaga ovddasteaddji stivrras*

Stivrras Meahciráddehuskonseartna bargoveaga ovddasteaddji lahtus leat seamma vuoigatvuodat ja geatnegasvuodat go stivrra eará lahtuin. Bargoveaga ovddasteaddji lahtus ii goit-totge leat vuoigatvuohta oassálastit Meahciráddehusa njunnošiid válljemii dahje earuheapmái, njunnošiid soahpamuševttuide, bargoveaga bálvalangaskavuoda dahje bargodáistalandoaimmaide guoskevaš áššiid giedahallamii.

## 14 §

*Beaivválaš jodiheaddji*

Meahciráddehusas lea beaivválaš jodiheaddji, mii jodiha ja ovddida Meahciráddehusa doaimma, fuolaha Meahciráddehusa beaivválaš hálddahasas ja das ahte ruhtadoallu lea lága mielde ja rudaiddikšun luohtehahtti vuogi mielde lágiduvvon.

Beaivválaš jodiheaddji galgá fuolahit stivrra mearrádusaid ollašuhttimis ja čuovvut stivrra mearrádusaid ja diedihit stivrii Meahciráddehusa doaimma dáfus mearkkašahtti doaibmabijuin ja dáhpáhusain.

Beaivválaš jodiheaddji oažžu álgit, go váldá vuhtii Meahciráddehusa doaimma viidodaga ja šlája, eahpedábálaš dahje guhkásváikkuheaddji doaimmaide dušše dalle, jos stivra lea su dasa fápmudan dahje stivrra mearrádusa ii sáhte vuordigoahtit, almmá ahte čuohcá mealgat Meahciráddehusa doibmii. Mañit dáhpáhusas stivrii galgá farggamusat diedihuvvot jurddašuvvon doaimmain.

Dat, mii 11 §:a 3 momeanttas mearriduvvo stivrra lahtu easttalašvuodas ja dohkálašvuodas ja 12 §:a 3 momeanttas geatnegasvuodas guoddit čuovokeahtá gustomeahttun mearrádusa, heivehuvvo maiddá beaivválaš jodiheaddjái. Beaivválaš jodiheaddjis lea bajimus hoavdda árvonamma.

## 15 §

*Almmolaš hálddahasdoaimmaid dikšu ovttat*

Meahciráddehusas dan bargun ásahuvvon almmolaš hálddahasdoaimmaid dikšu sierra almmolaš hálddahasdoaimmaid ovttat, man hoavdan doaibmá luonddubálvalushoavda.

## 6 lohku

**Almmolaš hálddahasdoaimmaid dikšun**

## 16 §

*Almmolaš hálddahasdoaimmaid dikšu ovttađaga doaimmat*

Almmolaš hálddahasdoaimmaid dikšu ovttat vástida 5 §:s oaivvilduvvon, Meahciráddehusa bargun mearriduvvon almmolaš hálddahasdoaimmaid dikšumis.

Ovttadat válmmaštallá ja árvala almmolaš hálddahušdoaimmaid dikšunáššiid Meahciráddehusa stivrii.

## 17 §

*Luonddubálvalušoavdda ja meahccegeavahanhoavdda doaimmat*

Luonddubálvalušoavda dikšu daid almmolaš hálddahušbargguide guoskevaš doaimmaid, mat eai 2 momeantta dahje 12 dahje 14 §:a mielde gula stivrii, beaivválaš jodiheaddjái dahje meahccegeavahanhovdii. Earret stivrra maiddái luonddubálvalušoavda dohkkeha ja vuolláičállá 33 §:a 1 momeanttas oaiivilduvvon sierra ruhtadoalloloahpaheami.

Meahcebevdui, guolástussii ja meahccegoziheapmái guoskevaš almmolaš hálddahušdoaimmaid (*meahccegeavahanáššit*), mat 1 momeantta mielde eai gula stivrii dahje beaivválaš jodiheaddjái, dikšu goittotge almmolaš hálddahušdoaimmaid dikšu ovttadagas meahccegeavahanhoavda.

## 18 §

*Almmolaš hálddahušdoaimmaid čoavdinváldi*

Luonddubálvalušoavda čoavdá 5 §:s oaiivilduvvon almmolaš hálddahušdoaimmaide guoskevaš hálddahušáššiid ja almmolaš hálddahušdoaimmaid dikšu ovttadahkii guoskevaš eiseváldáššiid. Guolástussii, meahcebevdui ja meahccegoziheapmái guoskevaš áššiid sihke namuhuvvon doaimmaid dikšu bargovehkii guoskevaš áššiid čoavdá goittotge meahccegeavahanhoavda.

Meahcejohtaluslága 4 §:s, guolástanlága 5 §:s ja meahcástanlága 6 §:s oaiivilduvvon lobiide dahje mearrádusaide Meahciráddehusa hálddašánválddi vuollášaš guovllu geavaheamis dieid lágaid mielde mearriduvvon ulbmilii sáhttá nannet guvllolaš dihtoeriid.

Ovdalis 2 momeanttas oaiivilduvvon dihtoeriid olis luonddubálvalušoavda sáhttá dagahit meahcejohtaluslága 4 §:s ja meahccegeavahanhoavda guolástanlága 5 §:s ja meahcástanlága 6 §:s oaiivilduvvon ovttaskas lobiide guoskevaš mearrádusa Meahciráddehusa virgeolbmui dahje Meahciráddehusa bálvalusas leahkki dakkár olbmui dahje olggobeale servošii, maid sorjjasmeahttuvuođa, luohtehahttuvuođa, áššedovdamuša ja eará áššiid, mat galget váldojuvvot vuhtii, galgá atnit heivvolažžan dien doibmii. Meahciráddehusa ja lobiid miediheaddji eará olggobeale servoša doibmii heivehuvvo dáikko bokte, mii hálddahušlágas (434/2003), eiseválddiid doaimma almmolašvuodas addojuvvon lágas (621/1999), giellalágas (423/2003) ja sámi giellalágas (1086/2003) mearriduvvo sihke dasa lassin, mii rihkoslágas (39/1889) mearriduvvo rihkosvuogatvuodalaš virgevásttus.

Ovdalis 3 momeanttas oaiivilduvvon áššiid guoskevaš ovttaskas lobi sáhttá addit maiddái mašiinnalaččat ja mearrádusa sáhttá dahkat almmá árvalusaid dahkama.

Earret luonddusuodjalanguovllu ja vánddardanguovllu ortnenjuolggadusa addima sihke earret 2 momeanttas mearriduvvon dihtoeriid nannema luonddubálvalušoavda ja meahccegeavahanhoavda oažžuba čálalaččat sirdit sudnuide dán paragrafa mielde gullevaš čoavdinválddi eará almmolaš hálddahušdoaimmaid ovttadaga virgeolbmui.

Guvllolaš dihtoeriid nannenmearrádus galgá addojuvvot diehtun oppalašdiehtunaddimin hálddahušlágas 62 §:a mielde.



## 19 §

*Almmolaš hálddahasdoaimmaid stivren ja goziheapmi*

Eana- ja meahccedoalloministeriija ja Birasministeriija stivreba ja goziheaba iežaska doaibmasurggiid hárrái Meahciráddehussii gullevaš almmolaš hálddahasdoaimmaid dikšuma nu go virgebáikkiid ja lágádusaid doaimma stivremis ja goziheamis sierra mearriduvvo.

Ovdalis 1 momeanttas oaivvilduvvon ministeriijaid stivrema ja goziheami olis Meahciráddehusa stivra:

- 1) fuolaha almmolaš hálddahasdoaimmaid dikšuma oppalaš stivremis ja goziheamis;
- 2) fuolaha das, ahte doaimmat dikšojuvvojit Riikkabeivviid ja eará eiseválddiid mearrádusaid ja njuolggadusaid mielde ja ahte almmolaš hálddahasdoaimmaid ruhtadoalu ja ruđaid-dikšuma goziheapmi lea áššáigullevaš vuogi mielde lágiduvvon;
- 3) mearrida áššiin, dan maŋŋá go lea ožžon almmolaš hálddašandoaimmaide ovttaga árvalusa, mat áshuvvojit 12 §:a 2 momeantta 1, 2, 6—8, 10 ja 11 čuoggás.

Ovdalis 1 momeanttas oaivvilduvvon ministeriijaid stivrema ja goziheami olis Meahciráddehusa beaivválaš jodiheaddji vástida Meahciráddehussii gullevaš almmolaš hálddahasdoaimmaid dikšuma oppalaš jodiheamis ja ovddideamis sihke fuolaha das, ahte 33 §:a 1 momeanttas oaivvilduvvon sierra ruhtadoallu lea lágalaš ja sierra ruhtadoalloloahpaheapmi lea áššáigullevaš vuogi mielde dahkkojuvvon ja ahte almmolaš hálddahasdoaimmaid dikšumii guoskevaš ruđaiddikšun lea luohtehahti vuogi mielde lágiduvvon.

## 20 §

*Vástu almmolaš hálddahasdoaimmaid dikšumis*

Meahciráddehusa almmolaš hálddahasdoaimma dikšuma dagahan vahága buhttemis lea fámus, mii virgevásttu vuodul šaddan vahága buhttemis sierra mearriduvvo.

## 21 §

*Nuppástusohcan*

Nuppástusohcamis luonddusuodjalanlága vuodul dahkkojuvvon Meahciráddehusa mearrádussii mearriduvvo namuhuvvon lágas.

Eará go 1 momeanttas dahje 18 §:a 3 momeanttas oaivvilduvvon ovttaskas lohpaí guoskevaš mearrádussii oážžu ohat nuppástusa váidimiin hálddahasriektái nu go hálddahasláhkeageava-hanlágas (586/1996) mearriduvvo.

Ovdalis 2 momeanttas oaivvilduvvon mearrádusa sáhtta ollašuhttit nuppástusohcamis fuola-keahttá. Nuppástusohcaneiseváldi sáhtta goittotge geldit mearrádusa ollašuhttima.

## 22 §

*Nuppástusohcan ovttaskas lohpeimearrádussii*

Ovdalis 18 §:a 3 momeanttas oaivvilduvvon ovttaskas lohpaí guoskevaš mearrádussii oážžu gáibidit njulgema Meahciráddehusas nu go hálddahaslágas mearriduvvo.

Njulgengáibádussii addojuvvon Meahciráddehusa mearrádussii oážžu ohat nuppástusa váidimiin hálddahasriektái nu go hálddahaslágageavaheapmilágas mearriduvvo.

Hálddahasrievtti mearrádussii oážžu ohat nuppástusa váidimiin dušše dalle, jos Alimus hálddahasriekti miediha váidinlobi.

Ovdalis 1 momeanttas oavvvilduvvon ovttaskas loh pái guoskevaš mearrádusa sáhtá ollašuhttit nuppástusohcamis fuolakeahhtá. Nuppástusohcaneiseváldi sáhtá goittotge gielidit mearrádusa ollašuhttima.

## 23 §

*Doaibmaválddálaš hálldahusriekti*

Doaibmaválddálaš lea dat hálldahusriekti, man duopmobires mearrádusa vuollásaš guovlu dahje eanaš oassi das lea. Jos dán ákka ii sáhte geavahit, de doaibmaválddálaš lea dat hálldahusriekti, man duopmobire siste váidi ruovttubáiki lea.

## 24 §

*Almmolaš hálldahusdoaimmaid dikšumii guoskevaš mávssut*

Meahciráddehusa almmolaš hálldahusdoaimmaide guoskevaš bálvalanmávssuid mearrideamis, maŋŋonanreanttus, mávssuid bearramis ja doaibmaválddis mávssuin mearridettiin mearriduvvo stáhta máksinággalágas (150/1992). Almmolaš hálldahusdoibmii gullevaš bálvalanmáksui guoskevaš nuppástusohcamis mearriduvvo namuhuvvon lága 11 b §:s.

Nuppeláhkai, go ovdalis 1 momeanttas mearriduvvo:

1) Giema ja Durdnosa gávpogiid ássiin lea vuoigatvuohta bivdit meahci Meahciráddehusa čujuhan guovlluin Meahciráddehusa mearridan eavttuiguin dakkár mávssuin, mii vástida iešgoasttidanárvvu;

2) gielddalaččas lea vuoigatvuohta geavahit iežas ruovttugildii gullevaš, Meahciráddehusa hálldášánválddi vuollásaš guovllu nuvtá meahcejohtaluslágas daddjojuvvon meahcejohtalusii.

Mávssu Meahciráddehusa almmosvuoigatvuođalaš bálvalusas sáhtá njuolggá bággebearrat. Dan bearramis mearriduvvo vearuid ja mávssuid ollašuhttimis addojuvvon lágas (706/2007).

## 7 lohku

**Meahciráddehusa ekonomii**

## 25 §

*Iežas oaiveopmodat*

Meahciráddehusas lea iežas oaiveopmodat, mii čohkiida vuoddooaiveopmodagas, eará iežas oaiveopmodagas ja árvobajidanfoanddas.

Vuoddooaiveopmodat lea fitnodatlágádussii investerejuvvon vuoittu bohtunmerkema vuodđun adnojuvvon oaiveopmodat.

Eará iežas oaiveopmodat lea Meahciráddehussii dan vuoittus čujuhuvvon oaiveopmodat dahje dakkár oaiveopmodat, mii lea sirdojuvvon dasa eará iežas oaiveopmodaga eavttuiguin. Árvobajidanfoanda čujuha máksojuvvon geavahanopmodaga árvvu bajádusa meari. Eará iežas oaiveopmodaga ja árvobajidanfoandda sáhtá sirdit vuoddooaiveopmodahkan.

## 26 §

*Almmolaš hálddahušdoaimmaid dikšumii oaivvilduvvon opmodat*

Almmolaš hálddahušdoaimmaid várás Meahciráđdehus hálddaša stáhta oamastan luondusuodjalanguovlluid ja meahcceguovlluid, eará suodjalanulbmilii čujuhuvvon dahje háhkkojuvvon guovlluid sihke eará almmolaš hálddahušdoaimmaid dikšuma dáfus dárbbášlaš opmodaga. Almmolaš hálddahušdoaimmaid dikšumii oaivvilduvvon opmodat gullá Meahciráđdehusa eará iežas oaiveopmodahkii.

## 27 §

*Meahciráđdehusa loanat ja dáhkádusat*

Meahciráđdehus oažžu váldit iežas doaimma ruhtadan dihte loana dan guorraseami olis, maid Riikkabeivvit lea addán stáhtabušehta giedahallama oktavuodas.

Meahciráđdehusas lea vuoigatvuohta fitnodatdoaimmastis geavahit olggobeale oassebeallái oaivvilduvvon dáhkádusa, jos dáhkádusa addindárbu vuodduuvvá láhkii dahje gilvalandilis čuvvojuvvon oppalaččat dohkkehuvvon prinsihpaide. Riikkabeivvit mearrida stáhta bušehta giedahallama oktavuodas dáhkádusaid alimusmeari. Meahciráđdehus ii oaččo miedihit dáhkádusa dahje addit bántta fitnodatdoaimmain bargi nieidafitnodatsearvvi loana máksima dáhkádussan.

Meahciráđdehusa váldin loanain ja dan addin dáhkádusain berrojuvvo stáhtii stáhta loatnaaddimis sihke stáhtadáhkádusas addojuvvon lága (449/1988) mielde mearriduvvon dáhkádusmáksu.

Stáhtaráđi ášahusa vuodul addojuvvojit dárkilet njuolggadusat 1 momeanttas oaivvilduvvon loana váldimis, loatnaváldima eavttuin ja loana geavahanulbmiliin, fitnodatdoaimmas geavahit oaivvilduvvon dáhkádusaid geavaheamis ja šlájjas sihke 3 momeanttas oaivvilduvvon mávssu mearrašuvvamis ja bearramis.

## 28 §

*Almmolaš hálddahušdoaimmaid ruhtadeapmi*

Meahciráđdehusa almmolaš hálddahušdoaimmaid dikšun ruhtaduvvo stáhta bušehtas sierra čujuhuvvon mearrerudaiguin sihke almmolaš hálddahušdoaimmaid dikšumis boahtti mávssuiguin ja vuoittuiguin. Almmolaš hálddahušdoaimmaid dikšuma sáhtta ruhtadit maiddá almmolaš fidnorudaiguin.

## 8 lohku

**Meahciráđdehusa bargoveahka**

## 29 §

*Bargoveahka*

Meahciráđdehusa bargoveaga dábáleamos bálvalangaskavuohta lea bargosoahpamušgaskavuohta. Bargiid, geat barget virggálaš válddi sisttisoalli doaimmaiguin, bálvalangaskavuohta lea goittotge virgegaskavuohta, jos lágas ii nuppeláhkai mearriduvvo.

Meahciráddehusa virgeolbmuide, virggiide ja virgegaskavuhtii heivehuvvojit stáhta virgegaskavuhtii guoskevaš njuolggadusat.

Meahciráddehussii guoskevaš virgeeaktosoahpamuša hárrái lea fámus, mii stáhta virgeeaktosoahpamušlágas (664/1970) lea mearriduvvon, earret lága 3 §:a 3 momellantta 2 ja 4 čuoggáid ja 4 momellantta, 4 §:a 2 ja 3 momellantta, 5 §:a 4 ja 5 momellantta ja 26 §:a. Stáhta virgeeaktosoahpamušláhka heivehuvvo Meahciráddehussii rievdaduvvon hámis nu ahte:

1) nuppeláhkai go lága 3 §:a 3 momellantta 1 čuoggás daddjojuvvo, de Meahciráddehusa virgeeaktosoahpamuša ráddádallan- ja soahpamušoassebeallin lea bargoaddi beales Meahciráddehus dahje dakkár registrerejuvvon ovtastus, mii galggašii vuosttažettiin gozihit bargoaddiid ovdduid virgegaskavuodain ja masa Meahciráddehus ovttá dahje moanain oktavuodain gullá;

2) nuppeláhkai go lága 5 §:a 1 momellantta 1 čuoggás daddjojuvvo, de virgeeaktosoahpamušii leat čadnojuvvon Meahciráddehus ja soahpamuša dan beales dahkan bargoaddiovtastus ja dan vuolleovttastusat;

3) nuppeláhkai go lága 5 §:a 2 momellantas daddjojuvvo, de Meahciráddehus sáhtá mearridit virgeolbmuidis bálvalangaskavuodaevttuid fuonibun go dat leat dan sohppojuvvon virgeeaktosoahpamušas mearritkeahhtá nu ahte virgeeaktosoahpamuša muđui dan hehte;

4) lága 6 §:a 2 momellantas oaivvilduvvon eretcealkinvuoigatvuohta lea maiddáid ovddit čuoggás 1 oaivvilduvvon bargoaddiovtastusa vuolleovttastusas; ja

5) mii lága 3 §:a 3 momellantta 3 čuoggás, 5 §:a 6 ja 7 momellantas, 8 §:a 3 ja 4 momellantas, 12 ja 18 §:s, 19 §:a 2 momellantas ja 24 §:s mearriduvvo stáhtas dahje stáhta ráddádallaneiseválddis, guoská Meahciráddehussii ja ovdalis 1 čuoggás oaivvilduvvon bargoaddiovtastussii.

Dat, mii eará lágas lea mearriduvvon stáhta ráddádallaneiseválddi dahje stáhta eiseválddi vuogatvuodas dahkat virge- ja bargoeaktosoahpamušaid dahje daidda buohtastahtti soahpamušaid, guoská Meahciráddehusa bargoveaga bálvalangaskavuoda evttuid hárrái Meahciráddehussii ja njuolggadusaidis mielde 3 momellantta 1 čuoggás oaivvilduvvon bargoaddiovtastussii.

### 30 §

#### *Bargoveaga dohkálašvuodagáibádusat*

Beaivválaš jodiheadjain dohkálašvuodagáibádussan lea doibmii heivvolaš bajit allaskuvladutkkus, fitnodatdoalu ja Meahciráddehusa doaibmasuorggi dovdamuš sihke jodi-hanhárjánupmi ja geavadis čájehuvvon jodihamáhttu.

Luonddubálvalushoavdda ja meahccegeavahanhoavdda virggi dohkálašvuodagáibádussan lea heivvolaš bajit allaskuvladutkkus, hárnánupmi virggi doaibmasuorgái sihke jodi-hanhárjánupmi ja geavadis čájehuvvon jodihamáhttu.

Eará go 1 ja 2 momellantas oaivvilduvvon Meahciráddehusa virggiid dohkálašvuodagáibádussan lea ovddit doaimmaiguin čájehuvvon máhttu ja návccat, mat dárbbasuvvojit virggi vuđolaš dikšumii.

### 31 §

#### *Bargoveaga nammadeapmi*

Meahciráddehusa beaivválaš jodiheadjii nammada ja eretcealká Eana- ja meahccedoalloministeriija árvalusa vuodul stáhtaráddi. Beaivválaš jodiheadjii nammaduvvo guhkimustá vida jahkái. Ovdal nammadeami áššis galgá bivdojuvot Birasministeriija ja Meahciráddehusa cealkámuš. Eana- ja meahccedoalloministeriija mieđiha beaivválaš jodiheadjái earu. Jos beaivválaš jodiheadjii eretcealká iežas dahje eretcelkojuvvo, de Eana- ja meahccedoallominis-

terijja sáhttá mearridit dohkálašvuodagáibádusaid deavdi olbmo dikšut gaskaboddosaččat beaivválaš jodiheaddji doaimmaid dassái, go beaivválaš jodiheaddji nammaduvvo.

Luonddubálvalushoavdda virgái nammada ja luonddubálvalushoavdda eretcealká stáhtaráddi Birasministerijja árvalusa vuodul. Luonddubálvalushoavda nammaduvvo guhkimustá vida jahkái. Ovdal nammadeami áššis galgá bivdojuvvot Eana- ja meahccedoalloministerijja sihke Meahciráddehusa cealkámuš. Birasministerijja mieđiha luonddubálvalushovdii earu.

Meahccegeavahanhoavdda virgái nammada Eana- ja meahccedoalloministerijja. Eana- ja meahccedoalloministerijja eretcealká meahccegeavahanhoavdda ja mieđiha dasa earu. Ovdal nammadeami áššis galgá bivdojuvvot Meahciráddehusa ja Birasministerijja cealkámuš.

## 32 §

*Bargoveaga oassálastin*

Meahciráddehus sáhttá mearridit ahte dasa ii heivehuvvo ovttasdoaimmas stáhta virgebáikiin ja lágádusain addojuvvon láhka (1233/2013) muhto baicce ovttasdoaimmas fitnodagain addojuvvon láhka (334/2007). Konseardnaovttasbarggus Meahciráddehuskonseartnas čuvvojuvvo heivvolaš osiin, mii ovttasdoaimmas suomelaš ja searvvušviidosaš fitnodatjoavkkuin addojuvvon lágas (335/2007) mearriduvvo.

Jos Meahciráddehussii heivehuvvo ovttasdoaimmas fitnodagain addojuvvon láhka, de dat sáhttá dahkat namuhuvvon lága 61 §:s oaiivilduvvon soahpamuša.

## 9 lohku

**Meahciráddehusa ruhtadoallu, ruhtadoalloloahpaheapmi ja ruhtadoalodárkkisteapmi**

## 33 §

*Ruhtadoallu ja ruhtadoalloloahpaheapmi*

Meahciráddehus ja Meahciráddehuskonseardna leaba ruhtadoallogeatnegasat. Jos dán lágas ii nuppeláhkai daddojuvvo, de Meahciráddehusa ja Meahciráddehuskonseartna ruhtadollui ja ruhtadoalloloahpaheapmái heivehuvvo, mii ruhtadoallolágas ja oasussearvelágas mearriduvvo oasussearvvi ruhtadoalus ja ruhtadoalloloahpaheamis. Ovdalis 5 §:s oaiivilduvvon almmolaš hálddahušdoaimmaid dikšumis dollojuvvo sierra ruhtadoallu ja dahkkojuvvo sierra ruhtadoalloloahpaheapmi stáhtabušeahhtalága (423/1988) ja stáhtabušeahhtaásahusa (1243/1992) njuolggadusaid mielde.

Meahciráddehusa ja Meahciráddehuskonseartna ruhtadoallobadji lea kaleanddarjahki. Meahciráddehus galgá dahkat guđege ruhtadoallobajis ruhtadoalloloahpaheami, ja Meahciráddehuskonseardna konseardnaruhtadoalloloahpaheami guovvamánu loahpa rádjai. Meahciráddehusa stivra ja beaivválaš jodiheaddji vuolláičálliba Meahciráddehusa ja Meahciráddehuskonseartna ruhtadoalloloahpaheami. Meahciráddehus ja Meahciráddehuskonseardna galgaba doaimmahit ruhtadoalloloahpahanáššegirjiid Eana- ja meahccedoalloministerijjai.

Stáhtaráddi nanne Meahciráddehusa ja Meahciráddehuskonseartna ruhtadoalloloahpaheami. Stáhtaráddi mearrida ruhtadoalloloahpaheami vuodul Meahciráddehusa vuoitto boahntunmer-

kemis stáhtabušehttii sihke eará doaimbabiijn, madda Meahciráđđehusa doaimma ja ekonomiija dihte lea dárbu álgit.

Stáhtaráđi ášahusa vuodul addojuvvojit dárkilet njuolggadusat ruhtadoallooahpaheami nannemis. Stáhtakantuvra sáhtta dárbbu mielde addit mearrádusaid ja rávvagiid sierra ruhtadoalus ja ruhtadoallooahpaheamis sihke dieđuid addimis stivrra jahkečilgehusa čohkkema várás.

## 34 §

*Meahciráđđehusa balánsa*

Go Meahciráđđehus doaimbagoahdá, de stáhtaráđdi mearrida Riikkabeivviid stáhtabušehta giedahallama oktavuodas addin fápmudusa vuodul Meahciráđđehusa hálddašánválddi vuollái sirdašuvvi stáhta opmodagas sihke das, man stuorra oassi opmodagas merkejuvvo Meahciráđđehusa vuoddooaveopmodahkan, eará iežas oaveopmodahkan dahje loatnaeavttuin addojuvvon opmodahkan. Vuoddooaveopmodahkii gullelaš opmodat árvvoštallojuvvo heivvolaš árvvu ektui.

Go doaimmi Meahciráđđehusa hálddašánválddi vuollái sirdojuvvo opmodat dahje go sirdojuvvo Meahciráđđehusa hálddašánválddi vuollášaš opmodat stáhta bušehtadollui, de čuvvojuvvo sirdimis mearridettiin ja balánsa hábmedettiin 1 momeanta. Stáhtaráđdi mearrida maiddá, man ulbmili eará iežas oaveopmodahkii gullelaš opmodat čujuhuvvo.

Go sirdojuvvo Meahciráđđehussii dahje Meahciráđđehusas stáhta bušehtadollui giddodatopmodat, de Eana- ja meahccedoalloministeriija mearrida dakkár ovttaskas giddodatopmodaga dihto čuožáhaga dahje ollisvuoda sirdimis, man heivvolaš árvu lea eanemustá vihtta miljovna euro. Jos jearaldat lea luonddusuodjaleami ollašuttimii guoskevaš giddodatopmodaga sirdimis, de áššis mearrida Birasministeriija. Stáhtaráđdi mearrida dakkár ovttaskas giddodatopmodaga dihto čuožáhaga dahje ollisvuoda sirdimis, man heivvolaš árvu lea eanemustá logi miljovna euro. Sirdin merkejuvvo fitnodatlagádusa eará iežas oaveopmodaga lasáhussan dahje geahpádussan dahje loatnaeavttuiguin addojuvvon oaveopmodahkan.

Giddodatopmodaga sirdimii Meahciráđđehusa ja stáhta eará fitnodatlagádusa gaskkas heivuvvo stáhta giddodatopmodaga luohpadanláhka.

Meahciráđđehusa hálddašánválddi vuollášaš giddodaga, mas bealuštanfámuin dahje rádjegozihanlagádusas lea geavahanvuoigatvuohta, ii oáččo luohpadit Eana- ja meahccedoalloministeriija dahje Meahciráđđehusa mearrádusa vuodul, jos Bealuštanministeriija dahje Sisášiidministeriija ii guorras luohpadeapmái, jos stáhtaráđdi ii ovttaskas dáhpáhusain nupeláhkai mearrit.

Ovdalgo Meahciráđđehus dahká 1—3 momeanttas oavvilduvvon mearrádusa, de Meahciráđđehusa ruhtadoalodárkkisteaddjit galget árvvoštallat opmodaga ja geatnegahttimiid ja daid árvvu sihke addit áššis cealkámuša.

## 35 §

*Ruhtadoalodárkkisteapmi*

Eana- ja meahccedoalloministeriija ášaha Meahciráđđehusa hálldahusa, ekonomiija ja ruhtadoalu dárkkistit guokte ruhtadoalodárkkisteaddji guhkimustá njealje jahkái hávil. Ruhtadoalodárkkisteaddjiin nubbi galgá leat ruhtadoalodárkkistanlágas (1141/2015) oavvilduvvon JHT-ruhtadoalodárkkisteaddji dahje ruhtadoalodárkkistansearvvuš, man váldovásttolaš ruhtadoalodárkkisteaddji galgá leat JHT-ruhtadoalodárkkisteaddji ja nubbi KHT-ruhtadoalodárkkisteaddji dahje ruhtadoalodárkkistansearvvuš, man váldovásttolaš ruhtadoalodárkkisteaddji galgá leat KHT-ruhtadoalodárkkisteaddji.

Meahciráđđehusa ruhtadoalodárkkisteaddjit galget dárkkistit Meahciráđđehusa ja Meahciráđđehuskonseartna ruhtadoallobaji hálldahusa, ruhtadoalu ja ruhtadoallooahpaheami. Jos

Meahciráddehusas lea Meahciráddehuskonserdnii gullelaš nieidafitnodat, de Meahciráddehus galgá fuolahit das, ahte nieidafitnodaga ruhtadoalldárkkisteaddjin válljejuvvo vejolašvuodaid mielde uhcimustá okta Meahciráddehusa ruhtadoalldárkkisteaddjiin. Meahciráddehusa ruhtadoalldárkkisteaddjis lea vuoigatvuohta dárkkistit nieidafitnodaga dan viidodagas go son oaidná dan dárbblašlažžan sihke oázžut nieidafitnodaga stivrras ja beaivválaš jodiheaddjis iežas bivdin čielggadusaid ja veahki.

Ruhtadoalldárkkistančilgehusas galgá áinnas boahit ovdan, leago Meahciráddehusa:

1) hálddahus dikšojuvvon lága ja ášahusaid sihke Riikkabeivviid, stáhtaráđi ja ministerijaid mearrádusaid sihke eará stivrenmearrádusaid mielde;

2) ruhtadoalldoahpaheapmi ja konseardnaruhtadoalldoahpaheapmi dahkkojuvvon ruhtadoalldoahpaheapmái guoskevaš njuolggadusaid ja mearrádusaid mielde sihke addetgo ruhtadoalldoahpaheapmi, konseardnaruhtadoalldoahpaheapmi ja doaibmačilgehus rivttes ja doarvái vuđolaš dieđuid ruhtadoallobaji doaimmas, ekonomijjas, ekonomalaš ovdáneamis ja ekonomalaš vásttuin;

3) siskkáldas goziheapmi ja dárkkisteapmi lágiduvvon áššáigullelaš vuogi mielde.

Meahciráddehusa ruhtadoalldárkkisteaddji easttalašvuodas ja čiegusindoallangeatnegasvuodas lea fámus, mii almmoshálddahusa ja -ekonomiija ruhtadoalldárkkistanlágas (1142/2015) mearriduvvo.

Stáhta ekonomiija dárkkistanvirgebáiki dárkkista Meahciráddehusa ja Meahciráddehuskonseartna doaimma.

## 10 lohku

### Sierra njuolggadusat

#### 36 §

#### *Vahátbuhttengeatnegasvuohta*

Meahciráddehusa stivrra lahttu ja beaivválaš jodiheaddji leaba geatnegahtton buhttet dan vahága, maid soai leaba iežaska doaimmas dáhtul dahje fuollameahtunvuodas dagahan Meahciráddehussii nu go oasusearvelága 22 logus oasusearvvi njunnošiidda gullelaš olbmo vahátbuhttengeatnegasvuodas mearriduvvo. Ruhtadoalldárkkisteaddji vahátbuhttengeatnegasvuodas mearriduvvo almmolaš hálddahusa ja -ekonomiija ruhtadoalldárkkistanlága 10 §:s.

Ovdalis 1 momeanttas oaivvilduvvon vahága buhttenváidaga bajideamis Meahciráddehusa lohku mearrida Eana- ja meahcedoalloministeriija. Váidinvuoigatvuođa boarásmuvmamii heivehuvvo, mii oasusearvelága 22 logu 8 §:s mearriduvvo.

#### 37 §

#### *Áššáiosolažžan leahkin*

Meahciráddehus guoddá ja vástida stáhta beales sihke goziha duopmostuoluin, virggálaš oktavuodain ja doaimmahusain stáhta beroštumiid ja vuoigatvuođaid Meahciráddehussii guoskevaš áššiin.

## 38 §

*Ealáhagat ja eará ovddut sihke buhtadusat*

Meahciráđdehusa bargoveaga ealáhagat ja bálvalangaskavuoda vuodul bargovehkii máksit oaivvilduvvon eará ovddut ja buhtadusat sihke bálvalangaskavuodas boahtti bargoveaga oapmahaččaid bearašealáhagat máksojuvvojit stáhta ruđain dan mielde, mii dán ovdduin ja buhtadusain sierra mearriduvvo.

Beaivválaš jodiheaddji ealáhatvuoigatvuohta ja 1 momeanttas oaivvilduvvon eará ovddut ja buhtadusat mearrašuvvet seamma vuogi mielde go Meahciráđdehusa bargoveaga vástideaddji ovddut ja buhtadusat.

Ovdalis 1 ja 2 momeanttas oaivvilduvvon ovddut ja buhtadusat sihke daid dikšumis stáhta máksinággalága mielde mearrašuvvi máksu berrojuvvo Meahciráđdehusas, jos ovdduid, buhtadusaid dahje mávssu bearramis dahje ovdduid ja buhtadusaid dikšuma dagahan bálvalushattiin ii eará sájis nuppeláhkai mearriduvvo.

## 39 §

*Ráđđádallangottit*

Meahciráđdehusa hálddašánválddi vuollásaš stáhta guovlluid geavaheapmái guoskevaš mearrádusdahkama veahkkin báikkálaš olbmuid sajádaga vuhtii váldin dihte ja doaimmaid oktiiheiveheami ovddidan dihte leat eanagotti dahje guovllu dási ráđđádallangottit.

Sámiid ruovttuguvlui ollásit gullevaš gildii ásaheavvot gielddalaš ráđđádallangottit, maid bargun lea giedahallat stáhta eana- ja čáhceguovlluid sihke daidda gullevaš luondduriggodagaid bistevaš geavaheami ja dikšuma.

Ráđđádallangottiid doaimmain, čoakkádusas, doaimbajis, ásaheamis ja daid ságadoalliid ja lahtuid bálkkáin sihke goluid buhttemis addojuvvojit dárkilet njuolggadusat stáhtaráđi ásaheami vuodul.

## 11 lohku

**Fápmuiboahhtin- ja sirdašuvvannjuolggadusat**

## 40 §

*Fápmuiboahhtin*

Dát láhka boahhtá fápmui cuoŋománu 15. beaivve 2016.

Dán lága vuodul gomihuvvo Meahciráđdehusas addojuvvon láhka (1378/2004), maŋgelis *gomihuvvon láhka*.

## 41 §

*Mearreáigái heivehit oaivvilduvvon ásaheamis*

Meahciráđdehussii heivehuvvojit ainge guhtta mánotbaji dán lága fápmuiboahhtima maŋŋá gomihuvvon, stáhta fitnodatlágadusain addojuvvon lága (1185/2002) vuodul addojuvvon



čuovvovaš ášahusat, jos dán lága vuodul addojuvvon stáhtaráđi ášahusa vuodul ii nuppeláhkai mearriduvvo:

- 1) stáhta fitnodatlágádusaid loatnaváldima rájiin ja eavttuin addojuvvon stáhtaráđi ášahus (21/2003);
- 2) stáhta fitnodatlágádusaid ruhtadoalus ja ruhtadoalloloahpaheamis addojuvvon stáhtaráđi ášahus (160/2004); ja
- 3) stáhta fitnodatlágádusaid eará doaimma sierra ruhtadoalus ja sierra ruhtadoalloloahpaheamis addojuvvon stáhtaráđi ášahus (1402/2004).

## 42 §

*Sirdašuvvannjuolggadusat*

Meahciráđdehussii lágas dahje ášahusas mearriduvvon dahje daid vuodul addojuvvon doaimmat sihke dasa gullelaš vuoigatvuodat ja geatnegahttimat sirdašuvvet dán lága mielde doaimmi Meahciráđdehussii.

Gomihuvvon lága mielde ášahuvvon Meahciráđdehusa stivra joatká dán lágas oaiivilduvvon vuogi mielde Meahciráđdehusa stivran dassái, go dán lága mielde doaimmi stivra lea ášahuvvon.

Gomihuvvon lágas oaiivilduvvon Meahciráđdehusa beaivválaš jodiheaddji doaimmá Meahciráđdehusa gaskaboddosaš beaivválaš jodiheaddjin dassái, go stáhtaráđdi nammada dán lágas oaiivilduvvon beaivválaš jodiheaddji. Gomihuvvon lágas oaiivilduvvon Meahciráđdehusa luonddubálvalushoavda doaimmá Meahciráđdehusa gaskaboddosaš luonddubálvalushoavdan dassái, go stáhtaráđdi nammada dán lágas oaiivilduvvon luonddubálvalushoavdda.

Go dát láhka boahká fápmui, de Meahciráđdehusa meahcegeavahanhoavda sirdašuvvá dán lágas oaiivilduvvon meahcegeavahanhoavdan.

Meahciráđdehusa virgegaskavuodas doaimmi bargovehkii heivehuvvo, mii stáhta virgeolmmošlága (750/1994) 5 a—5 c §:s mearriduvvo virgegaskavuodas ja virggiin.

Meahciráđdehusa bargosoahpamušgaskavuodas doaimmi bargoveahka sirdašuvvá dán lága fápmui boadedettiin dán lágas oaiivilduvvon Meahciráđdehusa bálvalussii. Mearreáigásaš bargosoahpamušgaskavuodas doaimmi olmmoš sirdašuvvá Meahciráđdehusa bálvalussii iežas mearreáigásaš bargogaskavuoda bistináigái.

Sirdašuvvi bargoveaga bálvalangaskavuoha gehččojuvvo bálvalangaskavuhtii guoskevaš ovdduid mearrašumi hárrái joatkašuvvan stáhta bálvalusas boatkankeahtá.

Bargosoahpamušgaskavuodas doaimmi olmmoš sáhtá sirdojuvvot su guorraseami haga, jos son sirdojuvvo iežas barggusjohtinguovllus dahje iežas barggusjohtinguvlui. Barggusjohtinguovlluin oaiivildit bargguhisvuodadorvolága (1290/2002) 1 logu 9 §:s daddjojuvvon guovllu.

Dán lágas oaiivilduvvon Meahciráđdehus čuovvu dan vuoddudettiin guston virgeaktosoahpamuša ja bargoeaktosoahpamušaid mearrádusaid, nugo bargoeaktosoahpamušlága (436/1946) 5 §:s mearriduvvo.

Bargosoahpamušgaskavuoda eavttuide heivehuvvo eará osiin, mii dain bargoeaktosoahpamušain sohppojuvvo dahje lágas mearriduvvo.

Ovdal dán lága fápmuiboahkima dáhpáhuvvon dahkui dahje healbadeapmái vuodduuvvi vahátbuhtadussii heivehuvvojit dán lága fápmui boadedettiin guston njuolggadusat.

## 43 §

*Ášahusaddinvuoigatvuohta*

Stáhtaráđi ášahusa vuodul sáhtá addit dárkilet njuolggadusaid Meahciráđdehusa vuosttas ruhtadoallobajis ja dasa guoskevaš ruhtadoalus, ruhtadoalloloahpaheamis ja doaimmačilge-

234/2016

husas, sierra ruhtadoalus ja sierra ruhtadoalloahpaheamis, stivrra čoakkádusas, doaimmain, ásaheamis, mearridanválddis ja lahtu dohkálašvuodas, beaivválaš jodiheaddjis sihke stivrra lahtuid ja ruhtadoallojárkkisteaddjiid báikkáin.

Helssegis cuoŋománu 8. beaivve 2016

**Dásseválldi Presideanta**

**Sauli Niinistö**

Ealáhusministtar Olli Rehn